

Igandeko udal hauteskundeek erabat aldatu dute Italiako mapa politikoa

DC eta PSIren kaltetan komunista ohiek eta neofaxistek izugarri egin dute gora

Demokristauak eta sozialistek ikaragarritzko porrota jaso dute. Eskuin muturrekoek eta komunista ohiek izugarri egin dute gora. Lega Nord-ek aurrera egin du baina ez uste bezain beste. Honela labur litezke igandean Italian egindako udal hauteskunde partzialak emaitzak.

JONE LARRANAGA / DONOSTIA

Herenegun Italiako 428 herri eta hirietan egindako hauteskundeek erabat aldatu dute Erromako Parlamentuak erakusten duen mapa politikoa. Italia polarizatu egin da. Demokristauak eta sozialistak hondoratu egin dira erabat, eta haien botoak erdibanatu egin dira eskuin eta ezkerrean.

Hegoaldean eta erdialdean Italiako Mugimendu Soziala neofaxista eta Ezkerreko Alderdi Demokratikoak (PDS, komunista ohia) eta Lega Nord-ek iparraldean lortu dute betidanik Italiako agintean jaun eta jabe izan diren alderdiek galdutako boto andana.


Egoera oraindik ere dramatikoa da bihurtzen da alderdiontzat, demokristauak eta sozialistek azken hauteskundeetan botoen % 50 inguru lortu zituztela gogora ekarri zuten. 1992an egin ziren hauteskunde orokorretan, italiarrek emandako botoen % 43,3 eskuratu zituzten atzo gaitzaila gertatuko bi alderdi hauen artean.

1946 urtean Italiako I. Errepublikak jaio zenetik, Alderdi Demokristauak (DC) Italiako alderdi garrantzitsu guzti-guztien kontrola galdu du: Erroman PDSk babestutako Francesco Rutelli berdeak lortu du boto gehien. Baina gertuan du Gianfranco Fini Italiako Mugimendu Soziala hauteskunde neofaxista. 1990 urteko udal hauteskundeetan DCk botoen % 31,9 lortu zituen, orain % 10 baino ez.

Orain arte demokristauen feudoak izan den Erroman DCren aurkako zigor botoak irabazi du. Izan ere, Leoluca Orlando mafian aurkako Rete alderdiko buruzagiak gehiengo osoa lortu du komunista ohien babesaz, eta ez du beraz bigarren itzulira joan beharko bertako alkatetza eskuratzeko.

Napolin ere Erroman gertatutakoaren antzekoa gertatu da. Antonio Bosselino komunista ohia eta Alessandra Mussolini duce-aren biloba sailkatu dira bigarren itzulirako.

Iparraldean, Genoa, Venezia eta Triesten Lega Nord-ek lortu du babesik handiena, ez ordea in-



«Esku garbiak» mafien aurkako operazioak jota utzi du Andreottiren alderdia.

REUTER


kestek iragarritakoa bezain zabal. Izan ere, Venezia eta Genoa bigarren postuan konformatu behar izan baitu Umberto Bossiren alderdiak.

«FUTBOLA IKUSTERA NOA»

Iragarrita zegoen porrota berretsi ostean, Mino Martinazzoli DCko idazkari nagusia erabat kolokan dago. Ongitxo zekien hori buruzagiak berak, eta emaitzak komentatu baino nahiago zuela futbola ikusi aitortu zien kazetariei. «Bihar hitz egingo dugu. Orain futbola ikustera itzuliko naiz. Nik neure ohiturak ditut», adierazi zuen Martinazzolik igandean bertan.

Hala ere, DCko batzorde eragileak Martinazzolik alderdiko idazkaritzan jarraitu behar duela azpimarratu zuen hauteskunde egunean bertan, «emaitza gogor» hauen ostean karguari eustea inoiz baino beharrezkoago dela arazoituta: «Emaitza hauek bultzatu egin behar dute abian dagoen berritze prozesua», zehaztu zuen DCk igandean kaleratutako komunikatuan.

Italiako Alderdi Sozialista (PSI) ere ez da zigorrik gabe gertatuko. Hauteskunde hauek krabelin gorriaren alderdiak itzalpean gorde nahi izan du. Ez da alderdi gisa aurkeztu, eta propaganda guztietan hautagiak baino ez dira ateratu, zein alderdik babesten zuen «ezkutuan» gordeta. Hauteskunde Legearen erreformaren ostean italiarrek hautagaien alde bozkatu dute, ez zerrenden alde—. Espero zuten erorketa arinagoa gerta zedin itxuratutako estrategiari eutsi nahi izan diote. Hala ere, porrot galanta.



Urteetan gobernuakide izan diren demokristau eta sozialisten porrota baieztatuz zihoan moduan, larritasunak are gehiago estutu zituen Erromako agintari beterranoak. Batzuek amore ere eman zuten. «Hobe dugu guztia utzi eta joatea», adierazi zuen igande gauean Ottaviano del Turco sozialisten idazkari nagusiak.

BIGARREN ITZULIARI BEGIRA

Achille Occhetto PDSko burua ezin kabitut zegoen atzo. Hainbesteko garaipena ez zuela espero aitortu zuen kazetarien aurrean, balantzea ezin hobea zela adierazi ostean. Bigarren itzu-

lian garaipena lortzeko estrategia prestatua dutela ere jakinarazi zuten: nola hala neofaxistei bidea istea.

Lega Nord-ek iragarri bezainbesteko babesik ez du lortu, Bossi buruzagiaren arabera, «boto neofaxistaren igoerak guztia gehiago nahastu duelako». Hala ere, baikor agertu zen eta bigarren itzulian komunista ohiek garaitu egingo dituztela aitortu zuen. «Aukera berri bakarra Lega da. PDS sistema zahar eta ustelako alderdi guztiak batzen dituen lotura da. Borroka latza izango da, baina garaituko dugu sistema zaharra», adierazi zuen atzo Bossik.

Algerren 30 lagun hil dira igaro asteko borroken ondorioz

ALGER

Algerren 30 integrista hil ziren joan den astean hiriburuko zenbait auzotan talde armatuen artean izan ziren borroken ondorioz, 'El Uatan' egunkariak atzo kaleratu zuenez.

Borrokarik gogorrenak igaro ostegun eta ostiralean izan ziren Cherarba auzoan, Algerko hiriburuaren hego-ekialdean. 'El Uatan' egunkariaren arabera, metraileta hotsak ere entzun ziren auzo horretan 27 integrista hil ziren. Horrez gainera, egun batzuk lehenago, beste hiru gorpu aurkitu zituzten Cherarba auzotik hurbil, aipatu egunkariak argitaratu duenez.

Bestalde, aurkakoak diren integristen eskupaper biren berri ere eman zuen 'El Uatan-ek'. Eskupapereen mamiari helduta, aipatu egunkariak argitaratu duenez, «anaia etsaiek» traidore eta manipulazailer izatea leporatu diote elkarri eta «hilko zaituztegu» mehatxua ere egin diote bata besteari.

Ezohizko bilera hasi da Hego Afrikako Parlamentuan

CAPE TOWN

Hego Afrikako Parlamentuan ezohizko bilera hasi zen atzo, alderdi anitzen artean ia orain urte bi hasi eta igaro astean amaitu ziren negoziaketetan hartutako erabakiak onartzeko bilera, hain zuzen. Hiru bat astez, hau da, abenduaren 15a bitartean hainbat gai aztertuko ditu Parlamentuak. Besteak beste, behin-behineko Konstituzioa eta, sufragio unibertsala onartu eta hurrengo hauteskundeak apirilaren 27an egiteko epea finkatzen duen Hauteskunde Legea. Lege horren bidez, Hego Afrikako historian beltzek hauteskundeetan parte hartu ahal izango duten lehen aldia izango da.

Frederik de Klerk Hego Afrikako lehendakariak zabaldu zuen atzo Parlamentuko bilera, igaraldi prozesuari buruzko hiru eguneko eztabaida orokorra aurkeztuz.

Bien bitartean, ultraeskuindarrek zurien arteko hauteskundeak antolatze-ko eskatu zioten De Klerki.